



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o realizaciji budžetskih sredstava organizacijama humanitarnog karaktera

Predlagač: Gradonačelnica
Obrađivač: Gradska služba za lokalno poslovanje

Sarajevo, novembar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o realizaciji budžetskih sredstava organizacijama humanitarnog karaktera

I. Uvod

Programom rada Gradskog vijeća Grada Sarajeva, broj 01-GV-02-1998/23 od 27.12.2023. godine, predviđena je Informacija o realizaciji budžetskih sredstava organizacijama humanitarnog karaktera.

U Strategiji razvoja Grada Sarajeva 2021.-2027. godine jedan od prioriteta Grada Sarajeva je da bude grad zaštitnik za socijalno ugrožene građane, a posebno djecu i mlade, kao i osobe treće životne dobi.

Shodno tome, u Budžetu Grada Sarajeva za 2024. godinu („Službene novine Kantona Sarajevo“, br. 55/23 i 13/24) planirana su sredstva organizacijama humanitarnog karaktera koja su realizirana putem tekućih transfera neprofitnim organizacijama i kapitalnih transfera drugim nivoima vlasti i fondovima.

II. Realizacija sredstava iz Budžeta Grada Sarajeva za 2024. godinu s pozicije Tekući transferi neprofitnim organizacijama

Udruženje „Srce za djecu oboljelu od raka“

Ugovor o realizaciji sredstava u iznosu od 20.000,00 KM potpisali su gradonačelnica Sarajeva Benjamina Karić i direktor Udruženja „Srce za djecu oboljelu od raka“ Fikret Kubat, broj: 01-07-11-4111-2/24 od 11.06.2024. godine.

Sredstva definirana Ugovorom dodijeljena su za projekat Roditeljska kuća.

Udruženje „Srce za djecu oboljelu od raka“ od 2003. godine radi s djecom i mladima oboljelim od raka. Kako je liječenje u većini slučajeva dugotrajno i materijalno iscrpljujuće, 2011. godine Udruženje je pokrenulo inicijativu prikupljanja sredstava za izgradnju Roditeljske kuće u krugu klinike na kojoj se liječe djeca – Hematoonkološkom odjeljenju Pedijatrijske klinike KCUS. Kontinuiran boravak roditelja i bližih srodnika s bolesnim djetetom, u porodičnom okruženju, doprinosi bržem izlječenju, kako psihičkom tako i fizičkom.

Ovim projektom obuhvaćena su oboljela djeca i njihovi roditelji koji dolaze iz Federacije Bosne i Hercegovine, a dugotrajno se liječe i borave na Hematoonkološkom odjeljenju. Sam proces liječenja, koji je izuzetno težak i kompliciran, traje do godinu dana, dok proces održavanja traje i do pet godina.

U aprilu 2016. godine, Roditeljska kuća je svečano otvorena, uz pomoć humanih ljudi i donatora iz cijelog svijeta. Kuća se sastoji od 10 apartmanskih jedinica, zajedničkog dnevnog boravka, kuhinje, multifunkcionalne sale, vešeraja, garaže i kancelarijskih prostorija Udruženja.

Grad Sarajevo kontinuirano pruža finansijsku podršku Roditeljskoj kući.

SOS – Kinderdorf International

Gradsko vijeće Grada Sarajeva donijelo je Odluku o sticanju statusa udruženja od posebnog značaja za Grad Sarajevo za SOS – KINDERDORF INTERNATIONAL („Službene novine Kantona Sarajevo“, broj 31/22).

Ugovor o realizaciji sredstava u iznosu od 32.000,00 KM potpisali su gradonačelnica Sarajeva Benjamina Karić i nacionalni direktor Predstavništva strane humanitarne organizacije „SOS-KINDERDORF INTERNACIONAL” Malik Garibija, broj: 01/07-11-3977-2/24 od 01.07.2024. godine.

Sredstva definirana Ugovorom dodijeljena su za najam stanova za porodice u zajednici, troškove hrane, higijene i drugih potrepština za porodice, ljetovanje djece smještene u SOS porodicama i grijanje za dvije porodice.

SOS Dječja sela BiH djeluju u BiH od 1994. godine i dio su SOS Children's Villages International, internacionalne organizacija koja više od 70 godina djeluje u 136 zemalja širom svijeta, na svih 5 kontinenata.

SOS Dječja sela BiH pružaju jedinstven oblike brige za djecu bez roditeljskog staranja. Djeca zajedno sa SOS roditeljima, braćom i sestrama odrastaju u SOS porodici. Porodične veze razvijaju se na prirodan način što znači da djevojčice i dječaci različite dobi žive zajedno kao braća i sestre, a biološka braća i sestre uvijek odrastaju u istoj SOS porodici. SOS roditelj živi s djecom, pruža im emocionalnu sigurnost te mogućnost da razvijaju nove i trajne veze unutar SOS porodice. SOS roditelj je stručno osposobljen da vodi brigu o djeci, ali istovremeno saraduje s drugim uposlenicima kako bi zajedno zadovoljili sve razvojne potrebe djece.

Udruženje dijaliziranih i transplantiranih bolesnika FBiH

Ugovor o realizaciji sredstava u iznosu od 10.000,00 KM potpisali su gradonačelnica Sarajeva Benjamina Karić i predsjednik Udruženja dijaliziranih i transplantiranih bolesnika FBiH Tomislav Žuljević, broj: 01/07-11-4690-2/24 od 28.06.2024. godine.

Sredstva definirana Ugovorom dodijeljena su u svrhu promocije donorstva, darivanja i presađivanja organa.

Udruženje Dijaliziranih i transplantiranih bolesnika FBiH, osnovano udruživanjem kantonalnih udruženja, je dobrovoljna organizacija pacijenta i drugih građana koje se osniva radi pružanja svestrane potpore svakom dijaliznom i transplantiranom pacijentu. Posebna zadaća i cilj Udruženja je promoviranje doniranja organa, praćenje razvoja i dostignuća medicinskih i srodnih nauka u vezi s doniranim organima, javnog istupanja, organiziranje stručnih sastanaka i rasprava, seminara, simpozijuma, kongresa, kao i uspostavljanje saradnje i kontakata s programima doniranja organa u drugim zemljama.

Podrška udruženjima koja brinu o osobama s poteškoćama u razvoju i invaliditetom

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 46/06 i 51/09), člana 42. Statuta Grada Sarajeva („Službene novine Kantona Sarajevo“, broj 7/23) i člana 21. stav (2) Odluke o izvršavanju Budžeta Grada Sarajeva za 2024. godinu („Službene novine Kantona Sarajevo“, broj 55/23), raspisan je Javni poziv za prijavu prijedloga projekata udruženja za podršku osobama s poteškoćama u razvoju i invaliditetom, broj: 01/04-04-3909/24 od 06.05.2024. godine.

Javni poziv objavljen je na web stranici Grada Sarajeva 06.05.2024. godine, a krajnji rok za dostavljanje prijava bio je 06.06.2024. godine.

Pravo prijave na Javni poziv imala su udruženja za podršku osobama s poteškoćama u razvoju i invaliditetom, sa sjedištem na području četiri gradske općine, a koja su registrirana na nivou Kantona Sarajevo.

Pregled prijava i dokumentacije izvršila je Komisija za obradu i analizu pristiglih prijava na Javni poziv, imenovana Rješenjem gradonačelnice, broj: 01/04-04-3909-1/24 od 28.05.2024. godine.

Od ukupno 16 zaprimljenih prijava, osam prijava, odnosno udruženja ispunilo je uslove i kriterije iz Javnog poziva.

Komisija je konstatala da će se finansijska sredstva, osigurana u Budžetu Grada Sarajeva za 2024. godinu za ovu namjenu, u ukupnom iznosu od 90.000,00 KM dodijeliti u skladu s Javnim pozivom, na način da će iznos finansijskih sredstava biti dodijeljen u rasponu od 7.000,00 KM do 15.000,00 KM.

Slijedom navedenog, a shodno dostavljenim budžetima projekta, Komisija je jednoglasno utvrdila listu odabranih udruženja s prijedlogom finansijskih sredstava kako slijedi:

R. b.	Naziv Udruženja	Iznos (KM)
1.	Udruženje distrofičara Kantona Sarajevo	14.300,00
2.	Udruženje za podršku porodicama sa djecom i osobama sa poteškoćama u razvoju „Colibri“	14.100,00
3.	NVO altruista za pomoć osobama s umanjenim sposobnostima „NOVO SVITANJE“	9.900,00
4.	Udruženje paraplegičara, kvadriplegičara i dječije paralize Kantona Sarajevo	10.000,00
5.	Udruženje defektologa, edukatora – rehabilitatora „STOL“	15.000,00
6.	Udruženje Plivački klub „SPID“	9.000,00
7.	Omladinsko udruženje „Dobro djelo“	7.700,00
8.	Udruženje Atletski klub osoba sa invaliditetom Novi Grad Sarajevo	10.000,00

Lista odabranih udruženja s prijedlogom finansijskih sredstava objavljena je na web stranici Grada Sarajeva 14.06.2024. godine.

Zajedničko potpisivanje ugovora o realizaciji sredstava iz Budžeta Grada Sarajeva za 2024. godinu, shodno rezultatima Javnog poziva, održano je 09.07.2024. godine u Vijećnici. Ugovore su potpisali gradonačelnica Sarajeva Benamina Karić i predstavnici udruženja, kako slijedi:

Udruženje distrofičara Kantona Sarajevo

Ugovor o realizaciji sredstava u iznosu od 14.300,00 KM potpisali su gradonačelnica Sarajeva Benamina Karić i potpredsjednica Udruženja distrofičara Kantona Sarajevo Jasmina Šerak, broj: 01/07-11-4149-2/24.

Sredstva definirana Ugovorom dodijeljena su za projekat **Podrška oboljelim od distrofije s područja grada Sarajeva.**

Cilj projekta je pružanje konkretne pomoći i podrška te unaprjeđenje životnih uslova oboljelih od distrofije i srodnih mišićnih i nervno-mišićnih oboljenja s područja grada Sarajeva, nabavkom rezervnih dijelova za elektromotorna kolica i pomagala za oboljele od distrofije.

Jedan od osnovnih zadataka Udruženja distrofičara Kantona Sarajevo je da, uz pomoć lokalne zajednice, institucija vlasti, šire društvene zajednice, stranih i domaćih humanitarnih

organizacija, kao i pojedinaca, obezbijede sredstva za poboljšanje životnih uslova, izjednačavanje mogućnosti, zaštitu i jačanje prava osoba koje boluju od distrofije i srodnih mišićnih i nervno-mišićnih oboljenja, kao i svih osoba s invaliditetom na području Kantona Sarajevo.

Udruženje za podršku porodicama s djecom i osobama s poteškoćama u razvoju „Colibri“

Ugovor o realizaciji sredstava u iznosu od 14.100,00 KM, potpisali su gradonačelnica Sarajeva Benjamina Karić i predsjednica Udruženja za podršku porodicama sa djecom i osobama sa poteškoćama u razvoju „Colibri“ Aida Hrnjić, broj: 01/07-11-4450-2/24.

Sredstva definirana Ugovorom dodijeljena su za projekat **Edukativno kreativne radionice Colibri**.

Projektom je planirana organizacija edukativnih i kreativnih radionica za djecu školskog uzrasta te zajednički izlet za cijelu porodicu s ciljem unaprjeđenja kvalitete života djece s poteškoćama u razvoju, ali i njihovih roditelja.

Udruženje okuplja lica s poteškoćama u razvoju, roditelje/staratelje, stručnjake i prijatelje porodica lica s poteškoćama u razvoju, radi pružanja organizirane pomoći i zaštite lica sa poteškoćama u razvoju i njihovih porodica; razvoj društvene svijesti kod roditelja/staratelja i okruženja, da lica s poteškoćama u razvoju nisu društveno manje vrijedna, stvaraju uslove za razvoj programskih sadržaja koji omogućavaju izgradnju normalne društvene svijesti u redovnoj, dodatnoj, dopunskoj i fakultativnoj nastavi u osnovnom, srednjoškolskom obrazovanju, zalaže za uvođenje inovativnih metoda u rehabilitaciji djece s poteškoćama u razvoju.

Udruženje Nevladina organizacija altruista za pomoć osobama s umanjnim sposobnostima „NOVO SVITANJE“

Ugovor o realizaciji sredstava u iznosu od 9.900,00 KM potpisali su gradonačelnica Sarajeva Benjamina Karić i izvršna direktorica Udruženja Nevladina organizacija altruista za pomoć osobama s umanjnim sposobnostima „NOVO SVITANJE“ Sabra Šišić, broj: 01/07-11-4489-2/24.

Sredstva definirana Ugovorom dodijeljena su za projekat **Kulturno-edukativna i kreativna radionica „Novo svitanje u Sarajevu“**.

Projekat će omogućiti osobama s invaliditetom i osobama s posebnim potrebama poboljšanje kvaliteta njihovog života, dostupnost inkluzivnom obrazovanju i edukaciji, socijalnu uključenost, razvijanje socijalnih vještina, osjećaj zajedništva, prihvaćenosti i ravnopravnosti.

NVO altruista „NOVO SVITANJE“ je udruženje koje je osnovano kako bi svojim radom i aktivnostima pružilo podršku i osnažilo osobe s umanjnim sposobnostima i njihove porodice.

Udruženja paraplegičara, kvadriplegičara i dječje paralize Kantona Sarajevo

Ugovor o realizaciji sredstava u iznosu od 10.000,00 KM potpisali su gradonačelnica Sarajeva Benjamina Karić i predsjednik Udruženja paraplegičara, kvadriplegičara i dječje paralize Kantona Sarajevo, Sabahudin Hreljić, broj: 01/07- 07-11-4642-2/24.

Sredstva definirana Ugovorom dodijeljena su za projekat **Rehabilitacija i pomoć članovima paraplegičarima i kvadriplegičarima u kućnim uslovima**.

Projekat podrazumijeva redovan obilazak, pomoć u kući, nabavka namirnica, lijekova, higijenskih potrepština i koncipiran je s ciljem pomoći članovima Udruženja, njihovog osposobljavanja i uključivanja u rad i aktivnosti Udruženja.

Udruženja defektologa, edukatora – rehabilitatora „STOL“

Ugovor o realizaciji sredstava u iznosu od 15.000,00 KM potpisali su gradonačelnica Sarajeva Benjamina Karić i predsjednik Udruženja defektologa, edukatora – rehabilitatora „STOL“ dr. sci. Selmir Hadžić, broj: 01/07-11-4689-2/24.

Sredstva definirana Ugovorom dodijeljena su za projekat **„Unapređenje kompetencija za rad s djecom s teškoćama u razvoju“**.

Ciljna grupa projekta su osobe s invaliditetom, porodice djece s teškoćama u razvoju i osoba s invaliditetom, profesionalci koji rade u različitim sektorima (obrazovanje, socijalna zaštita, zdravstvo), studenti, zaposlenici kulturnih institucija i organa uprave.

Udruženje defektologa, edukatora – rehabilitatora „STOL“ je nevladina organizacija čiji je glavni programski zadatak unaprjeđenje sistema društvene brige za djecu s teškoćama u razvoju i osobe s invaliditetom, kako kroz jačanje stručnih kapaciteta, tako i kroz kontinuiranu realizaciju aktivnosti koje će doprinijeti boljem društvenom statusu u društvu populacije osoba s invaliditetom i njihovih porodica kao i profesionalaca koji rade s njima.

Udruženje Plivački klub „SPID“

Ugovor o realizaciji sredstava u iznosu od 9.000,00 KM potpisali su gradonačelnica Sarajeva Benjamina Karić i predsjednik Udruženja Plivački klub „SPID“ Amel Kapo, broj: 01/07-11-4716-2/24.

Sredstva definirana Ugovorom dodijeljena su za projekat **„Rehabilitacija osoba s invaliditetom adaptivnim plivanjem“**.

Cilj projekta je poboljšanje psiho-motoričke sposobnosti kod djece/mladih s invaliditetom i njihovo uključivanje u rekreaciono-zdravstveni program. Direktnu korist uključanjem u projekat imat će 20 djece/mladih s invaliditetom uzrasta 6-26 godina.

Plivački klub „SPID“ je prvi i jedini plivački klub u Bosni i Hercegovini za djecu s umanjanim sposobnostima.

Omladinsko Udruženje „Dobro djelo“

Ugovor o realizaciji sredstava u iznosu od 7.700,00 KM potpisali su gradonačelnica Sarajeva Benjamina Karić i predsjednica Omladinskog Udruženja „Dobro djelo“ Ajla Gazić, broj: 01/07-11-4721-2/24.

Sredstva definirana Ugovorom dodijeljena su za projekat **„Psihološko-logopedska podrška razvoju djece s poteškoćama u razvoju“**.

Projektom će se za 40 djece uzrasta 4-13 godina s područja Kantona Sarajevo omogućiti besplatne radionice koje će osmisliti i realizirati stručni tim sastavljen od psihologa, defektologa, logopeda, neurofeedback terapeuta. Osnovni cilj provođenja ovog projekta je unaprijediti zdravstveno stanje ciljne skupine kroz poboljšanje psihofizičkih sposobnosti te na

taj način doprinijeti podizanju standarda i kvalitete života za ovu kategoriju stanovništva i olakšati njihovu inkluziju u redovni sistem obrazovanja.

Udruženja Atletski klub osoba s invaliditetom Novi Grad Sarajevo

Ugovor o realizaciji sredstava u iznosu od 10.000,00 KM potpisali su gradonačelnica Sarajeva Benjamina Karić i predsjednica upravnog odbora Udruženja Atletski klub osoba sa invaliditetom Novi Grad Sarajevo Alma Bojčić, broj: 07-11-4739-2/24.

Sredstva definirana Ugovorom dodijeljena su za projekat Inkluzija kroz sport – „I Ja Mogu Biti Šampion“.

Cilj projekta je pružanje mogućnosti mladim osobama s invaliditetom da treniraju i učestvuju na velikim međunarodnim takmičenjima te tako dobiju priliku da ostvare pozitivne i dobre rezultate i time potiču na bolji status osoba sa invaliditetom i osoba sa poteškoćama u razvoju te njihovom integriranju u društvo. Također, projektom se planira poboljšanje kvaliteta i dostupnosti inkluzivnog obrazovanja i socijalnog uključivanja djece i odraslih osoba s poteškoćama u razvoju te kroz realizaciju edukativnih i rekreativnih aktivnosti, poboljšanja socijalne uključenosti tj. socijalnih vještina i kapaciteta osposobljavanja osoba s invaliditetom i poteškoćama u razvoju kao marginalizirane grupe.

Podrška centrima za zdravo starenje

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 46/06 i 51/09), člana 42. Statuta Grada Sarajeva („Službene novine Kantona Sarajevo“, broj 7/23) i člana 21. stav (2) Odluke o izvršavanju Budžeta Grada Sarajeva za 2024. godinu („Službene novine Kantona Sarajevo“, broj 55/23) raspisan je Javni poziv za prijavu prijedloga projekata putem centara za zdravo starenje na području četiri gradske općine, broj: 01/04-04-3910/24 od 06.05.2024. godine.

Javni poziv objavljen je na web stranici Grada Sarajeva 06.05.2024. godine, a krajnji rok za dostavljanje prijava bio je 06.06.2024. godine.

Pravo prijave na Javni poziv imala su udruženja u čijem je fokusu rad u oblasti promocije zdravlja i socijalne uključenosti osoba treće životne dobi, sa sjedištem na području četiri gradske općine, a koja su registrirana na nivou Kantona Sarajevo.

Pregled prijava i dokumentacije izvršila je Komisija za obradu i analizu pristiglih prijava na Javni poziv, imenovana Rješenjem gradonačelnice broj: 01/04-04-3910-1/24 od 28.05.2024. godine.

Od ukupno tri zaprimljene prijave, dvije prijave, odnosno udruženja, ispunila su uslove i kriterije iz Javnog poziva.

Komisija je konstatala da će se finansijska sredstva osigurana u Budžetu Grada Sarajeva za 2024. godinu za ovu namjenu u ukupnom iznosu od 60.000,00 KM dodijeliti u skladu s Javnim pozivom za prijavu prijedloga projekata putem centara za zdravo starenje na području četiri gradske općine, na način da će iznos finansijskih sredstava biti dodijeljen u rasponu od 7.000,00 KM do 20.000,00 KM.

Slijedom navedenog, a shodno dostavljenim budžetima projekta, Komisija je jednoglasno utvrdila listu odabranih udruženja s prijedlogom finansijskih sredstava kako slijedi:

R.b.	Naziv Udruženja	Iznos (KM)
1.	Udruženje „Partnerstvo za javno zdravlje“	17.300,00
2.	Udruženje „Zdravo živi /sretno stari“	20.000,00

Lista odabranih udruženja s prijedlogom finansijskih sredstava objavljena je na web stranici Grada Sarajeva dana 14.06.2024. godine.

Zajedničko potpisivanje ugovora o realizaciji sredstava iz Budžeta Grada Sarajeva za 2024. godinu, shodno rezultatima Javnog, održano je 09.07.2024. godine u Vijećnici. Ugovore su potpisali gradonačelnica Sarajeva Benjamina Karić i predstavnice udruženja, i to:

Udruženje „Partnerstvo za javno zdravlje“

Ugovor o realizaciji sredstava u iznosu od 17.300,00 KM potpisali su gradonačelnica Sarajeva Benjamina Karić i izvršna direktorica Udruženja „Partnerstvo za javno zdravlje“ Sejdefa Bašić, broj: 01/07-11-4498-2/24.

Sredstva definirana Ugovorom dodijeljena su za projekat „**Mreža Centara za zdravo starenje Općine Novo Sarajevo**“.

Cilj projekta je poboljšanje kvaliteta života i socijalne uključenosti osoba treće životne dobi kroz kulturne, kreativne, edukativne i sportsko rekreativne sadržaje u okviru centara za zdravo starenje Općine Novo Sarajevo.

Ukupan broj učlanjenih u sva tri centra na području općine Novo Sarajevo je 1.485, i to:

Centar za zdravo starenje Novo Sarajevo – Hrasno: 1265 korisnika.

Centar za zdravo starenje Novo Sarajevo – Velešići: 100 korisnika.

Centar za zdravo starenje Novo Sarajevo – Čengić Vila: 120 korisnika.

Udruženje „Zdravo živi/sretno stari“

Ugovor o realizaciji sredstava u iznosu od 20.000,00 KM potpisali su gradonačelnica Sarajeva Benjamina Karić i predsjednica Udruženja „Zdravo živi/sretno stari“ Sanela Feratović, broj: 01/07-11-4680-2/24.

Sredstva definirana Ugovorom dodijeljena su za projekat „**Umjetnošću i fizičkom aktivnosti protiv depresije treće životne dobi – Doživjeti stotu**“.

Cilj projekta je unaprijediti mentalno zdravlje starijih osoba i kvalitetu života kroz likovno-kreativne i fizičke aktivnosti te im pojačati samopouzdanje i dati priliku da budu aktivni, društveno korisni i sretni. Projekat će se realizirati kroz četiri likovne kolonije i četiri izleta u prirodu i grupnim vježbama.

Ukupan broj korisnika Udruženja „Zdravo živi/sretno stari“ u svim centrima za zdravo starenje Općine Centar je 1.253, i to:

Centar za zdravo starenje Pionirska: 224 korisnika.

Centar za zdravo starenje Razigrani dani: 485 korisnika.

Centar za zdravo starenje – Općine Centar: 494 korisnika.

Centar za zdravo starenje Soukbunar: 50 korisnika.

III. Realizacija sredstava iz Budžeta Grada Sarajeva za 2024. godinu s pozicije Kapitalni transferi drugim nivoima vlasti i fondovima

KJU „Gerontološki centar” Sarajevo

Ugovor o realizaciji sredstava u iznosu od 10.000,00 KM potpisali su gradonačelnica Sarajeva Benamina Karić i direktor KJU „Gerontološki centar” Sarajevo Mirza Musa, broj: 01/07-11-1584-2/24 od 27.02.2024. godine.

Sredstva definirana Ugovorom dodijeljena su za potrebe adaptiranja i opremanja čitaonice/biblioteke.

Kantonalna javna ustanova Gerontološki centar Sarajevo obezbjeđuje potpuno zbrinjavanje i organiziranu, sveobuhvatnu brigu o starim osobama koje zahtijevaju brigu i njegu i za koje je smještaj neophodan, kao jedini način rješavanja i zadovoljavanja njihovih osnovnih životnih potreba. Gerontološki centar pruža usluge za preko 360 korisnika i u strukturi smještenih korisnika najveći dio su nepokretni, teže bolesni korisnici koji zavise od pomoći osoblja.

„Zavod za zdravstvenu zaštitu radnika u saobraćaju Sarajevo“

Ugovor o realizaciji sredstava u iznosu od 10.000,00 KM potpisali su gradonačelnica Sarajeva Benamina Karić i direktorica „Zavoda za zdravstvenu zaštitu radnika u saobraćaju“ Sarajevo Halima Čutuk, broj: 01/07-11-785-2/24 od 14.03.2024. godine.

Sredstva definirana Ugovorom dodijeljena su za nabavku audiometra.

KJU „Dom za socijalno zdravstveno zbrinjavanje osoba s invaliditetom i drugih osoba” – Sarajevo

Ugovor o realizaciji sredstava u iznosu od 30.000,00 KM potpisali su gradonačelnica Sarajeva Benamina Karić i direktor KJU „Dom za socijalno zdravstveno zbrinjavanje osoba s invaliditetom i drugih osoba” – Sarajevo Hazim Durmišević, broj: 01/07-11-2049-2/24 od 28.03.2024. godine.

Sredstva definirana Ugovorom dodijeljena su kupovinu bolesničkih kreveta.

Osnovna djelatnost KJU „Dom za socijalno zdravstveno zbrinjavanje osoba s invaliditetom i drugih osoba” – Sarajevo je zdravstveno zbrinjavanje odraslih tjelesno invalidnih osoba sa trajnim smetnjama u fizičkom ili psihičkom razvoju, duševno oboljelih i hronično bolesnih osoba, te osoba sa specifičnim oboljenjima.

U Ustanovi je smješteno 176 korisnika s različitim intelektualnim poteškoćama i tjelesnim oštećenjima. Ustanova ima poseban značaj i permanentno nastoji poboljšati i unaprijediti zdravstvenu njegu i tretman smještenih korisnika.

JU „CENTAR VLADIMIR NAZOR“ SARAJEVO

Ugovor o realizaciji sredstava u iznosu od 50.000,00 KM potpisali su gradonačelnica Sarajeva Benamina Karić i direktorica JU „CENTAR VLADIMIR NAZOR“ SARAJEVO Maida Idrizović, broj: 01/14-11-5384-2/24 od 22.08.2024. godine.

Sredstva definirana Ugovorom dodijeljena su za zamjenu unutrašnje stolarije u vrtiću „More nade“.

Zamjenom unutarnje stolarije, poda i saniranjem zidnih površina obezbjeđit će se kvalitetni uslovi za odvijanje odgojno-obrazovnog rada s djecom s razvojnim teškoćama. Najveći broj djece koja pohađaju vrtić imaju razvojnu teškoću autističnog spektra.

IV. Tabelarni pregled realiziranih budžetskih sredstava organizacijama humanitarnog karaktera u 2024. godini

Red. br.	Naziv Udruženja/JU	Iznos (KM)
1.	Udruženje „Srce za djecu oboljelu od raka“	20.000,00
2.	„SOS – Kinderdorf International“	32.000,00
3.	Udruženje dijaliziranih i transplantiranih bolesnika FBiH	10.000,00
4.	Udruženje „Partnerstvo za javno zdravlje“	17.300,00
5.	Udruženje „Zdravo živi/sretno stari“	20.000,00
6.	Udruženje distrofičara Kantona Sarajevo	14.300,00
7.	Udruženje za podršku porodicama sa djecom i osobama sa poteškoćama u razvoju „Colibri“	14.100,00
8.	NVO altruista za pomoć osobama s umanjenim sposobnostima „NOVO SVITANJE“	9.900,00
9.	Udruženje paraplegičara, kvadriplegičara i dječje paralize Kantona Sarajevo	10.000,00
10.	Udruženje defektologa, edukatora – rehabilitatora „STOL“	15.000,00
11.	Udruženje Plivački klub „SPID“	9.000,00
12.	Omladinsko udruženje „Dobro djelo“	7.700,00
13.	Udruženje Atletski klub osoba sa invaliditetom Novi Grad Sarajevo	10.000,00
14.	KJU „Gerontološki centar“ Sarajevo	10.000,00
15.	„Zavoda za zdravstvenu zaštitu radnika u saobraćaju“ Sarajevo	10.000,00
16.	KJU „Dom za socijalno zdravstveno zbrinjavanje osoba s invaliditetom i drugih osoba“ – Sarajevo	30.000,00
17.	JU „CENTAR VLADIMIR NAZOR“ SARAJEVO	50.000,00
UKUPNO		289.300,00



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na __. sjednici održanoj dana __. __. 2024. godine, primilo je k znanju

Informaciju o realizaciji budžetskih sredstava organizacijama humanitarnog karaktera

PREDSJEDAVALJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na __. sjednici održanoj dana __. __. 2024. godine, primilo je k znanju

Informaciju o realizaciji budžetskih sredstava organizacijama humanitarnog karaktera

PREDSJEDAVALJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba

